

Q. B. D. V!

De

ARMINIO.

PRAESIDE

CONRADOSAMVELE
SCHVRZFLEISCH,

Publice differet

PAVL CONRAD Mitternacht/
Ger. Ost.

Ad diem XXIX. Ian. ANNO MDC LXXVII.

In Auditorio Maiori.

CVM PRIVILEGIO SEREN. EL. SAXON.

Disputatio XXIIIX.

LIPSIÆ, Apud NICOLAVM SCIPIONEM.
clō lōc XCIIIX.

ARMINIO
PRESIDENT
CONRADOSAMVELLE
SCHWARTZKOPF

PAUL CONRAD SCHWARTZKOPF
Gen. Off.

General Office, The American
in Berlin, Germany
General Office, The American

General Office, The American
in Berlin, Germany
General Office, The American



FAXIT NVMEN

I.



ARMINIUS, de quo dicturus sum, gente Germanus fuit. Natus in Cheruscis, et dignum Germano animum, et prolesurum instituto militari nomen habuit. Quod facile perspicuum erit Troisui nostri indolem pensitantibus. Cuius vim quum non assequerentur Romani, haud puro, videbitur mirum, eos Arminium, quem nos Hermannum, appellasse.

II.

Discedimus hic igitur a G. Ruxnero, qui vetera Germanorum nomina repetit a Troia. Neque eo melior est Laurentius Hochvartus, qui cum splendorem quaerit a peregrinis, domesticum sane praetermittit decus. Multo rectius de his tradiderunt nuper doctissimi viri P. Albinus, R. Reineccius, H. Meibomius, aliiqve.

III.

Sed redimus ad Cheruscios, quibus Patriam debet Noster. II, si Raymundo Marliano tribuenda fides est, Leodienfis pars territorii fuerunt. Sed multa sunt, quae dissidere cogunt a Marliano. Nos cum Davide Chytraeo coniecerimus, eas insedisse sedes, quas hodie solent, qui Brunonis colunt vicum, agrumqve. Quem in Saxonia

sua videas licet. Fere sub Historiae initium. Cui addatur velim P. Cluverius introd. Geogr. lib. 3. cap. 3. Idem diserte affirmat in Germ. Antiq. Cheruscorum posteros Brunsvicenses appellandos. Paulo tamen latius interpretatur Cheruscos Girclamus Caninus, in Tab. Italice scripta. Perperam de his Althamerus, angustius existimat H. Iunius. Nil decidit Fr. Philippus Ferrarius in Lex. Geograph. Quod non mirum. Peregrinus in Germania Italus fuit.

IV.

Iam liquet Saxonas fuisse Cheruscos, eoqve Germanos. De quo adeo nullus dubitat Germanus, ut nec ipsi Romani ullam dubitandi habuerint occasionem.

V.

Lubentes hic praeteribimus Saxonum hanc antiquissimis retro temporibus fuisse rationem, ut alii Ostphali, s. Orientales, alii Angrivarii s. Angarii, * nonnulli VVestphali s. Occidentales dicerentur. Legi eo possunt VVitichindus, antiquissimus Saxonum scriptor, et Conradus Vrspergensis. Saltem ab illo dissentimus in parte Originum nostrae gentis. Quam, fallit, dum a reliquiis Macedonici exercitus arcessit. Quo nomine cum secuti incautius sunt Gottfridus Viterbiensis, ipse etiam Vrspergensis, et pariter hunc Abbas Stadenlis, Niemijs, Gobelinus, Rolevincius, Anbanus, Kempius; et scriptor originum Frisicarum Siffridus Petrus. Sed ut discedimus ab iis, ita accedimus Crantzio, Chytraeo; Fabricio, Meibomio, auctoribus ut passim obviis, ita in Saxonum historia non vulgariter versatis.

VI.

- * Hic omnium sermone celebratus est vicus Engern/ sedes quondam VVede kindi, non procul Herfordia, nora in VVestphalis Civitate. V. Neuwald. de antiq. VVestf. col.

VL

Verum mittimus haec, tanquam alieniora instituto. Cum nobis in eo omne stet consilium, ut non nihil de rebus ab Arminio gestis commemoremus.

VII.

Ordinemur a familia. Quae illustris et cum a vitæ, tum a fama celebris fuit. Pater Sigimerus, Princeps suae gentis, nec ignotus Velleio, nec inglorius hostibus est visus. Dignum is se filium sustulit, et liberandae Germaniae iam tum indicia praeferentem.

VIII.

Haud dubie sub patre tyrocinia posuit Arminius. Magister virtutis, bellum, belli instrumentum assidua exercitatio erat.

IX.

Patrum insuper Ingvimerum, Socerum Segestem habuit. Sed sine Soceri amore, cum vi se generum fecisset, non vinculo caritatis, ne memorant augusti scriptoris annales.

X.

Habebat adeo Coniugem Arminius, sed invito coniugis parente. Hinc vero gliscere odia, mox in exitum auctorum suorum eruptura. Peccabat in eo Socer, qui odia utilitati reip. remittere, et gener, qui perere a Socero uxorem debuerat.

XI.

Nunc de Arminiū dignitate paulo licet videamus. Annales in procerum fuisse numero, faciunt fidem. Adco verum est, quod adnotavit Beda Anglo-Saxo (ex quo doctissimos sapere viros, non abs re adnotavit Vbbo Emmius in Hist. rer. Frisic.) Vetustissimam Saxonum Republicam proceres habuisse, potentia aequales, sorte, ut

sua videas licet. Fere sub Historiae initium. Cui addatur velim P. Cluverius introd. Geogr. lib. 3. cap. 3. Idem diserte affirmat in Germ. Antiq. Cheruscorum posteros Brunsvicenses appellandos. Paulo tamen latius interpretatur Cheruscōs Girclamus Caninus, in Tab. Italice scripta. Perperam de his Althamerus, angustius existimat H. Iunius. Nil decidit Fr. Philippus Ferrarius in Lex. Geograph. Quod non mirum. Peregrinus in Germania Italus fuit.

IV.

Iam liquet Saxonas fuisse Cheruscōs, eoqve Germanos. De quo adeo nullus dubitat Germanus, ut nec ipsi Romani ullam dubitandi habuerint occasionem.

V.

Lubentes hic praeteribimus Saxonum hanc antiquissimis retro temporibus fuisse rationem, ut alii Ostphali, s. Orientales, alii Angrivarii s. Angarii, * nonnulli VVestphali s. Occidentales dicerentur. Legi eo possunt VVitichindus, antiquissimus Saxonum scriptor, et Conradus VVerspergensis. Saltem ab illo dissentimus in parte Originum nostrae gentis. Quam, fallit, dum a reliquiis Macedonici exercitus arcessit. Quo nomine cum secuti incautius sunt Gottfridus Viterbiensis, ipse etiam VVerspergensis, et pariter hunc Abbas Stadenfis, Niemiſius, Gobelinus, Rolevincius, Aubanus, Kempius, et scriptor originum Frisicarum Siffridus Petrus. Sed ut discedimus ab iis, ita accedimus Crantzio, Chytraeo, Fabricio, Meibomio, auctoribus ut passim obvius, ita in Saxonum historia non vulgariter versatis.

VI.

* Hic omnium sermone celebratus est vicus Engern/ sedes quondam VVedekindi, non procul Ilersfordia, nota in VVestphalia Civitate. V. Neuvvald. de antiq. VVestf. col.

VL

Verum mittimus haec, tanquam alieniora instituto. Cum nobis in eo omne stet consilium, ut non nihil de rebus ab Arminio gestis commemoremus.

VII.

Ordinemur a familia. Quae illustris et cum a vitam a fama celebris fuit. Pater Sigimerus, Princeps suae gentis, nec ignotus Velleio, nec inglorius hostibus est visus. Dignum is se filium sustulit, et liberandae Germaniae iam tum indicia praeferentem.

VIII.

Haud dubie sub patre tyrocinia posuit Arminius. Magister virtutis, bellum, belli instrumentum assidua exercitatio erat.

IX.

Patrum insuper Ingviomerum, Socerum Segestem habuit. Sed sine Soceri amore, cum vi se generum fecisset, non vinculo caritatis, ut memorant augusti scriptoris annales.

X.

Habebat adeo Coniugem Arminius, sed invito coniugis parente. Hinc vero gliscere odia, mox in exitium auctorum suorum eruptura. Peccabat in eo Socer, qui odia utilitati reip. remittere, et gener, qui petere a Socero uxorem debuerat.

XI.

Nunc de Arminiū dignitate paulo licet videamus. Annales in procerum fuisse numero, faciunt fidem. Adeo verum est, quod adnotavit Beda Anglo-Saxo (ex quo doctissimos sapere viros, non abs re adnotavit Vbbo Emmius in Hist. rer. Frisic.) Vetustissimam Saxonum Republicam proceres habuisse, potentia aequales, sorte, ut

hanc fortuna dedisset, solum diversos. Locus Bedae ex-
rat L. 5. cap. 11. Hist. Eccles. Ad istud nuper dissuerunt
argumentum R. Reineccius, et Heinr. Meibomius in vind.
Billing. Seqviori aco potentes regionis, Bedae et Theo-
dorico Niemio Satrapae, aliis Primores VVestphalorum.
(antiqviori nomine Saxonum, Niem. in elog. Ott. M.) ad-
pellati.

XII.

Iam aestumanti, qvale antiquissimi Saxonum impe-
rii robur atqve ingenium fuerit, in promptu erit notare,
primo praecipuam in armis salutem fuisse; deinde pro-
ceribus non tam iubendo, quam svadendo, qvin exem-
plo potius, quam imperio, officii constituisse rationes. Po-
stremo regibus, qvos Tacitus allegat, regiam potestatem
non permisisse. * Cum Boxhornio diceres, generosa illius
gentis ingenia, a mera eaqve absoluta monarchia semper
abhorruisse. Qvin fortasse hand abs reputares, principio
imperium ibi tantum populare viguisse. Inde cum defen-
soribus libertatis opus esset, Duces militiae lectos. Hos in-
super editis bellicae virtutis speciminibus, multa imperii
munia vindicasse sibi: vel quod poscere decus, vel quod
exigere necessitas videretur. His rebus crevisse porro, et
partem iuris, quo censentur Optimates, obtinuisse. Atqve
iam gradus regimini patebat multam a vetere illo et simpli-
ce desilectenti. Cum Dd. prudentiae civilis democratiam
Aristocratia mixtam appellaturis, certe nolimus refragari.
Sed procerum quoque horum ingenia variabant et mores.
In bellum ituris uni cura belli deleganda erat, forte semper,
an electione, dubium multis. Sortis tanten potissimam
fuisse rationem, non ex vano quidam augurantur. Eo ma-
xime, quod nil ipsis legamus tam observatum, quam au-

spi.

* Tac. de M. G. cap. VII. Nec Regibus infinita, aut libera po-
restas.

spicia et sortes. *Tac. de M. G.* Vtrumlibet probes, nil deceder instituto. Nam siue sortito, seu consulto designatus militiae imperator, viam sibi muniebat ad maximum inter suos decus. Praesertim si rem gessisset bene, si confecisset fortiter. Aditus hic aut ad dignationem prae ceteris conciliandam fuit. Non repugnaturis, qui ex plebe aestimassent ductum, et merita, et statum Imperatoris belli. Valebant eo arma, audacia militaris, legiones imperatori obnoxiae. Nil iam pronius, nil promptius erat, quam grassari ad fastigium regis: regis, inquam, non omnes regiae potestatis numeros complexuri. Obstabat ingenta genti gravitas, obstabat gentile Populo decus, libertas. Satis adeo illi, habere imperii partem, nec recipere quid ultra hanc sortem. Nil destinare supra, nil concupiscere ultra licebat per mores gentis. Erit iam, ut colligas, dividas Imperii fuisse portiones. Dividuae portiones divisum imperium dabunt. Diviso imperio mixtura inerat et temperamentum. Regnum alioque Aristocrazia et democratia mixtum ut dicatur, penes eos stabit, qui sua efformant ad legem artis. Mihi sufficiat obiter expedivisse, quid sentiam. Tantummodo addam, quod accepi, notasse sapientiores, arcanum dominationis belli ducibus usitatum. Qui non raro a bello ad vim, a vi ad imperium grassabantur. Arcanum hoc, si ita fas est loqui, inter arcana antiquioris aevi fuit. Utinam vero esse desisset. Verum id optamus magis, quam obtinemus. Nam hodieque eo nirentium reperias exempla. Aliis tamen impensius cogitatum, quam felicius impletum fuit. Mirum vero etiam inter cultas audiri gentes. Inter barbaras nil mirum, apud quas sancta multa sunt, sed quae raro habeantur sancte. Turcia novissimum tibi exemplum dabit. Res ibi eo redactae sunt, ut paene timeat Sultanus, a quo debebat timeri. Supremus militiae Praefectus fortunam egressus pri-

privati est. Subnixus favore militum, parum forte aestimat favorem Sultani. Purpuratorum multos, Praetorianos fere omnes sibi devinctos habet. Inde imminutae relinqui argumentum maiestatis. Vezirio ab Imperio militari ad imperium civile patere gradus. Nempe peccatum a Sultano est diutius, quam par erat, imperium belli Vezirio suo continuante.

XIII.

Illud ulterius per affirmandum confidenter est, magnam civium erga hos procures suos religionem iuxta et gratitudinem fuisse. Rependebant iis honores, quos iudicaverant promeruisse. Inter exempla erit ARMINIVS, dum posteritas erit. Probaunt sane viri doctissimi, Irmsulam Saxoniam Hermanino nostri antiquitus positam. Assensu id excipiunt suo G. Spalatinus, Reineccius, Albinus, Dresserus, Spangenbergius, Til. Frisius, Iac. Lampadius. Nec multum abit Fr. Lindenbrogius, dubitanti tamen, quam decidenti propior. Nimirum id acceperant a Romanis, qui defensoribus patriae hunc constare honorem voluerunt, ut vivos obsequio, mortuos cippis honorarent. Romani, si altius ascendamus, a Graecis, Graeci a Phoeniciis, hi ab Aegyptiis et Chaldaeis reperunt hunc morem. Cedrenus nil dubitat arcessere ab Hebraeis. Tolerari potest institutum. Quin probari debet ac laudari. Modo superstitio ablit veteris aevi. * Nobis sufficiat advertisse, quibus auspiciis coepit consecratio Heroum. Conferat, *Eigredius c. 4. de stat.*

* Hanc innuit Alb. Abb. Stad. Carolus, inquit, Saxoniam bello adiens castrum Eresburg coepit, idolum quoddam Erminisul vocabatur, evertit, ad A. 772.

XIV.

Sed propius inspiciamus, qualem se gesserit ARMINIVS.

Mo-

Mores ab educatione, gloriam traxit a bello. Patrem reddidit, quia animus sub disciplina Patris formatus fuit. Hic cum non ducere in Gynaeceum, sed in bellum, Scholam principalis virtutis. Male audiunt Assyriorum reges, quod in feminarum consensuissent turba. Feminis adeo similiores, quam viris. Alia mens Sigimero, alia Sigimeri filio fuit. Hoc vobis, reges, Schola sapientum dicit in aurem. Nil sane vestram virtutem alit, nisi palaestra virtutis. Virtus autem magno stat impendio Solo labore paratur iuxta et retinetur.

XV.

Postquam his initiis steterat sua ARMINIO virtus, praeium desiderabat impensi laboris. Respondet destinatis fortuna, decus illi, quod merebatur, paratura. Iam locus illustrando nomini a fato electus fuit. * Lupia et Amasis, VVestphaliae amnes, loquerentur virtutem Herois, si possent loqui. Hostis ex gente Romana est, qui turbatorem patriae appellat, cuius liberator erat. Vicio hoc notandi Segestes et Flavius frater. ARMINIO nil imputandum tale est. Hic auctor libertatis, hic patriae servator fuit. Argumentum id est, Tacitum studuisse partibus quandoque, cum et minus vere, et paulo inclementius scripsit de nostro, non laudaturus alias, ni veritas expressisset laudem. Is in extremo *A. II.* Liberator, *inquit*, haud dubie Germaniae. Hoc testimonium hostis, licet alibi dissidentis a seipso. Quid non mirum. In-

B

re-

* *Artifices temporum hic Epocham constituunt Varianae claudis, dum rationum suarum disponunt notas. Disponamus ad hunc modum.* *A. M.* 3959.

P. I. 4723.

E. C. 10.

E. Sol. 19.

Lun. 11.

tegram quoque gentem Cheruscorum incescit probris, *de M. G.* Eodem haud dubie odio adductus. Ab hoc posterius accipitis exemplum, sanguinem, et quicquid habetis, patriae debituros. Gloriosum pro patria mori. Vitam ergo profundendam sciatis, O mei, si necessitas exigat et patriae salus. Si sacra poseant et leges.

XVI.

Hactenus gratulandum ARMINIO est, ut manu prompto, ira animo certe maximo. Sed nulla sincera felicitas, nulla diuturna esse prosperitas solet. Fortis erat ARMINIVS, sed non fortunatus. Omnia audebat, omnia pericula adibat patriae causâ. Sed nusquam tuta fides, ne in patria quidem. Amicos habuit, sed brevi futuros hostes. A popularibus odia, a Flavia fratre pericula et contemptus, a Segeste, socero, exitium metuendum fuit. Hi popularium quorundam mores non fregerunt nostrum, sed crexerunt magis. Multum illi interim negotii per haec dissidia facessit hostis. Quid ageret? Nullum nisi in constantia praesidium erat. Vnus fide addictior illi patruus, Inguiomerus. Quiper id tempus nec instabilis animi erat, et per officia colebat belli. Hos alii sequebantur ut tenaces libertatis, ita infensi servituti. Pauci illi popularium desertores nocere securitati poterant. Raro natura sine monstris, rarius natio sine propudiis quibusdam reperitur et malis. Saepe hostem in sinu gestamus, dum gaudemus in sinu, perituri, cum nescimus nos perire. Adeo nemo unquam tutus, ut frater etiam fratribus, populares popularibus insidieretur. Agnoscite id tandem, (agnoscite vero mihi recitatur, quae nuper recitata succurrunt:) Germani, et demittite in pectus. Invicti estis, donec estis, concordes. Soli discordiae succumbitis, si tamen succumbitis. Nempe
terror

terror gentium Germani a nemine possunt debellari, nisi a Germanis. Quin ergo tandem aversamini, Mei populares, bella civilia, ut pestem. Concordia res vestræ stabunt, discordia subvertentur. At ut nunquam subvertantur, concordia efficietis, DEO, ut per indulgentiam vos affectu est, pondus addidero.

XVII.

Summum famae accessit decus a clade Variana. * Haec gloriae paene Romanae finis, Germanae laudis initium fuit. Esto igitur: triumpharint Romani de Germanis. Saepe triumphus sine victoria, saepe plus famae, quam gloriae et meritorum erat. Vestigia etiamnum conspicua esse aiunt in dynastia Comitum Lippiensium. Mirum sane, fatalem hunc fuisse locum praeliorum. Non leviorum, sed in quibus summa Germanicarum vertit rerum. Omnium primus ibi ARMINIVS, et ab eius excessu post multa inde secula magnus ille VVittekindus stetit pugnans. ** Ille victor; hic victus discessit. Victus eo victore felicior, quod clades gradus ad victoriam in caelo obtinendam fuisset. Tam abditum Numinis sunt sensus. Impertitur, quae vult. Vult autem bona, etiamsi nos non aestimemus semper bona. Fallit nos saepe iudicium. Solus Deus nescius est falli. Hic alia dat aliis.

B 2

Quae-

* Ad hanc digitum indicem intendit Seneca Ep. XLVII. Alacrim enim ibi legere Varianam, quam, ut vulgo legunt, Marianam cladem.

** Scripseribus Germanis audit Theormelli. Hodie Detmold, aulæ Lippensis sedes, locus fatalium praeliorum, a Saxonibus commissorum. Tacitus saltem Teutoburg nominat, ubi campus VVinsfeld est, Victoriae Arminii nostratis monumentum. Teutoburg nobis dicitur quasi burgus Teutonum, ex usu sequioris aevi, quo vicus denotatur, non castellum. Nam per id tempus nullæ castella habuerunt Maiores,

Quaedam certis negat, ut certis largiatur. Nullo in mortales odio. Impius, qui talem Numini Opt. adspersit labem. Amoris id opus, non invidiae. Ille alia conducere huic, alia nocere illi solus perspicacissime videt. Etiam cum nos non videmus. Subeamus ergo legem, quam vult Deus, qui pro lubitu nobiscum communicat, quicquid fortuiti est boni. Sola aeterna dispensat ex aequo.

XVIII.

Iam Varum debellaverat Arminius, maiora ausurus. Male id habet Romanos. Deligitur ergo Germanicus, Vari manes vindicaturus. Hic nova Arminio materia virtutis. Comparat ergo se ad pugnam. Suos, ut pugnent cohortatur. Tanto minus retinente Romano, quanto maior vindictae incesserat cupido. Germanicus fortuna, noster animo maior erat. Iam fortitudinem deserebat felicitas. Sed nitebatur contra necessitatem Arminius. Obtestatur populares per insignia suae gentis, adisterent pugnant. Ni facerent, servos Romanae insolentiae futuros. Huic se adeo eriperent, si Germani, id est, viri essent, se ducis officio functurum, modo sequerentur ducem. Hic manu adest, illic voce erigit. Iam vultu mover, iam consilio animum addit. Et vincitur tamen Heros, ab animo semper invictus.

XIX.

Causas rimanti, eas dabimus in conspectum, quas historia augusta obtulit, ut rimaremur. Primuni mali caput intestina dissidia erant. Illa defectio, defectionem haud dubie comitata proditio (a) est. Ad haec consilia nimis fervida, eoque minus matura erant. Impetus saepe rationem, festinatio prudentiam antevertibat. (b) Sed et saepe fortius vincebant, quam cautius victoria utebantur. (c) Pro conditione illius aevi, praeque moris. Satis

tis interim sua gerebant animose, etsi nimis sæpe festinanter. Alia hodie rerum Germanicarum conditio est, alii Germanorum mores, alia demum ratio militandi.(d) Olim arma minus pugnantibus idonea erant, et plus adeo damni afferebant, quam utilitatis. Nostro vero tempore, ut rei tormentariae, ita omnes militiae artes ad summum fastigium processerunt.

XX.

Finis nobis cum fine stemmatis Hermanniani erit. Filium ex filia Segestis suscepisse memorat Tacitus. Sed ut adoleverit puer, non satis explicat. Saltem Ravennae educatum fuisse approbat lectori. A. I. Multum ille infra gloriam patris fuit, interclusa ad gloriam via. Dedecus Arminii id interpretabatur Maroboduus, * quod inde ignominiam reciperet pater, unde filius non posset liberari. Liberari autem debebat ex servitio Romanorum. A. II. Haecenus invictus erat Arminius, si ab animo aestimetur. Fortuna tamen sæpe destituit animum. Tunc quidem maxime, quum, qui bello subigi non posset, scelere cadit alieno. Dignus qui viveret, si merita, (e) si decus militare, si denique tot monumenta virtutis pensitentur. Parricidium Adgandestrius, Chattrorum princeps, patravit. Nimirum is vitam auferre potuit, non laudem.

* Germanis sonat Meerbott, ut videtur VVoltero, dum Marcomannicas Origines scrutatur. Idem Inguiomerum explicat per diuisionem Teutonicam lungmaier. Mittimus verborum curam, et quod prudentiae interest annotamus, veteres Langobardorum Marcomannorumque Reges ex Nobilitate (ipsi Adelingos vocabant) lectos.

(d) Indicat sane Tacitus A. II. habuisse Romanos au-

xiliares ex Germaniis. Qui cum iuvare debuissent Germanos, Romanos iuvabant, desertis Germanis. Quid mirum ex malo fonte peiorem rivum fluxisse? Eo pertinet, quod affirmavit Historiae augustae scriptor, nil Germanico incognitum fuisse, quod rem spectasset Germanorum. Consilia, insuper, locos, prometa, occulta novisse, astusque adeo hostium in perniciem vertisse.

(b) Hinc Florus memorat, impetum pro virtute habuisse, Hist. Germ. Lib. III. cap. 3. Sed bellorum successus non semper impetulant. Saepe maior morae, quam impetus utilitas est. Quin vetus monitum est, victoriam consiliis perfici, ratione dirigi. Conf. Tac. H. III. Est saepe instandum coeptis, et cunctandum saepe, si utilitas exigat et ratio circumstantiarum. Sed ita cunctandum est, ne agendi occasio elabatur. Talem accepimus Fabium Valentem, qui inutili cunctatione agendi tempora consultando consumpsit. Tac. H. III. Fuit tamen, cum superiori tempore accepimus, quosdam salubri mora novas comparasse vires, et cunctando adeo nil decessisse praesenti fortuna.

(c) Causam arcessimus ab impetu, impetum discimus ab exemplis. Erit autem inter exempla Theutobochus, erunt veteres Cimbri Theutonique. Vix tamen id de Arminio nostro dixerimus, cuius talia bellandi consilia fuerunt, qualia non possunt proficisci, nisi a prudentissimo belli Imperatore. Atque hoc si recte memini, ipse agnovit Pius Aelius confid. super. Tac. 282. Praeter impetum alioqui Tacitus audaciam allegat. Quanto quis, inquit, audacia promptus, tanto magis fidus, rebusque motis potior habetur. A. II. Ultra audaciam memorat violentiam, praesertim Arminii, tunc temporis Germanorum ductoris. Nolumus etiam negare: multum felicitati veterum ex eo detractum

Etum fuisse, existimassent, dolos militares non esse ex dignitate bellantium. Hinc Arminius palam affirmat, adversus armatos bellum se gerere. Perinde forte, ac si strata gemata, quae vocant, magis perfidiae, quam gloriae instrumenta essent. Gloriosi vero semper esse volebant Germani, nil aequè adversantes, quam quod vel suspicionem vitii haberet et fraudis. Unum optimis Germanis deerat, quod animos non imbuissent literis, quum literae tamen instruant virtutem, non minuunt. Ut falsos esse oporteat Scythas similesque barbaras, qui literis effeminari animos credunt, non credituri, si literarum sensissent utilitatem. Quid bella sine consiliis, quid consilia sine literis? Tamen si baud inficias iverim, incturam literarum quosdam resarcire naturali ingeniorum bonitate et iuxta experientia, duobus illis in vita civili oculis, praesertim, si lumen accedat literarum.

(d) Ut vero multum inter veteres et hodiernos mores intercedat, non dubitamus tamen maioribus nostris destinare nomen exquisitae virtutis, saltem eius, quae in bellicorum versatur administratione. Habet quaedam de Arminio Velleius, quae ostendant, Heroem fuisse Arminium. Quod testimonium tanto maius censemus, quanto liberalius imperitum ab hoste est. Utinam vero alius de Arminio scripisset, quam hostis. Sed quicquid huius est, defectus ille antiquissimi est aevi, eoque incultis illis temporibus condonandus. Saltem observamus hic arcanum illud providentiae divinae, quod Germanos esse voluit, qui tunc insolentiae Romanae ponerent obicem. Laudamus vero hic una, quod militia ipsorum non esset mercenaria, si paucos, qui ab ingenio gentis desciverant excipias. Contra quam hodie, ubi mercenarii militis invaluit usus. Vid. D. Conringius de rep. antiq. vet. Germ. p. 32. atque hunc morem

putem hausisse a Romanis, sub quibus stipendia meritos quoque accepimus. Tacitus enim memorat Lib. I. An. II. ple-rosque Romanorum castra secutos. Atqui vero Romani militem ex Tribubus legebant, aestimaturi prius, quam legerent, ut eruditissime annotavit gravissimus Forbnerus. De cetero quid alii laudent, quidve contra desiderent in genere armorum, quibus usi sunt maiores, videas licet apud Scip. Amir. diff. Polit. l. 2. disc. 5. et Conring. d. disp. pos. 26. Recte adeo Tacitus. Nec miror, inquit, Germanis animus, sed genere pugnae et armorum superabantur. Et alibi: Nec immensa, inquit, Barbarorum scuta, enormes hastas, perinde haberi, quam pila et gladios Romanorum, vid. A. II. passim. Ut hic lubentes taceamus, aviditate praedae illis iustum victoriae fructum saepe ereptum. Quo nomine tamen nolumus Arminium nosatum. Velimus tamen Ingvomerum. Recentiora exempla omnibus nota sunt. Ut pigeat afferre. Nempe animi cupientium praedam gloriam raro, victoriam rarissime consequuntur, digni, quicquid eius amittant fructum, cuius amiserunt occasionem.

(e) Referendum hic quoque esset de Arminii prudentia, sed referam hic saltem de eius calliditate, quam testatus est, dum arma adversus Maroboduum caperet. Tuendae libertatis titulum sumebat bellaturus, ut favorem haberet. Sed aliud saepe fecisse, aliud praetendisse est visus. d. II. de facundia militari mireris si legas, quae Tacitus ab eo ut graviter, ita fortiter dicta allegat. A. I. 2. Obiter hic indicamus, argumentum ab Andelero nuper sumtum, nec belli artibus vacuum, et bello insuper remedia forte allaturum, non plane adeo binc alienum.

) : o : (